

МЕСЯЦА МАРТА В 6-Й ДЕНЬ.

Святых 42 мученик, иже во Аммории

На Господи, воззвах: стихиры, глас 4.

Подобен: Званный свыше:

В последних временех явльшися, * добропобеднии мученицы, * звезды незаходимыя * в честней тверди церковней, * страдания светлостию * просветисте всю подсолнечную, * и разрушите прелести тьму, всехвальнии, * и ныне к сиянию вечному преидосте. * Темже верою светоносное и священное ваше страдание совершаем, * предстательством благим вашим обогатившися.

Отведением, Христовы мученицы, * нужным связаны бысте * и затворени в темнице вси на долгое время, * Божественнии веры суще хранителие. * Отонудуже, яряся, зверь злоименитый, * мечем вы умертви, * не хотяция повинутися сего злым повелением, * и ныне Вышняя наследовасте радостно, * четыредесяте ко двема приложшися, преславнии, Царствия.

С Константином Васоя и Каллиста, * Феодора вси и Феофила * и прочий Божественный собор страдотерпец * велегласно восхвалим, * умрети бо произволиша за всяческих Живота, * закалающесе радостно. * И ныне во граде Бога Живаго почивают * и просят обрести нам * согрешений оставление в День Суда * и совершенное избавление.

Слава, и ныне, Богородичен:

Иже благочестно покланяющися Твоему Рождеству * от всякаго спасай навета вражия, * Богородительнице Всенепорочная, * яко Предстательница всего рода нашего сущи, * Тя бо ныне помощь вси стяжахом, * прибежище же и утверждение * и Ходатаицу ко Владыце Христу и Господу. * Егоже моли даровати мир миру, молимся, * и грехов разрешение притекающим в кров Твой.

Или крестобогородичен:

Не рыдай Мене, Мати, * зрящи на Древе повешена Твоего Сына и Бога, * Иже на водах повесившаго землю неодолимо * и всю тварь создавшего, * ибо воскресну, и прославлюся, * и адова царствия сокрушу крепостию, * и погублю того силу, * и связанных избавлю от злодейства его, * яко Благоутробен, * и Отцу Моему приведу, * яко Человеколюбец.

Аще случится в субботу или в неделю, поется и самогласен сей.

Слава, глас 2. Мефодиево:

Церковь днесь торжествует таинственно, * новою одеждою одеявшися, * яко порфирию и виссоном, * кровью новых страдотерпцев: * сия бо во благочестии воспитавши, * жертву непорочну, приятну и благоутодну, * Христе, Тебе принесе. * Тем победители сия пребеззаконных показавый, * и венчавый, и прославивый, * и нам низпосли тех молитвами велию милость.

На стиховне,

Слава, глас 6. Сикеота:

Полк Боговенчанен новоявленных мученик, * заклание непорочное за Христа пожренное усердно, * святоизбранное воинство четыредесяти двою, * мучениколюбцы, приидите, * всесвященную память духовно совершивше, *

возопиим к ним: * сокрушите сверепство агарян безбожных * и избавите люди
благочестномудренныя * молитвами вашими всякаго обстояния.

Тропарь, глас 4.

Мученицы Твои, Господи, * во страданиях своих венцы прияша нетленныя
от Тебе, Бога нашего, * имуще бо крепость Твою, * мучителей низложиша, *
сокрушиша и демонов немощныя дерзости. * Тех молитвами * спаси души наша.

НА УТРЕНИ

Канон, творение Игнатиево. Глас 8.

Песнь 1

Ирмос: Воду прошел, яко сушу, * и египетскаго зла избежав, * израильтянин вопияше: * Избавителю и Богу нашему поим.

Во глубину мя падша грехов и Твоей пучине прибегающа щедрот, мольбами, Христе, страстоносец во спасения пристанище настави.

Блестаяся добротою добродетелей, нося багряницу от кровей мученических, яко скипетр, держа крест, царствуеши с Господем, Феодоре.

В песнех Феодора, вернии, Каллиста, и Васоя и Феофила с ними вкупе с Константином доблим, и прочия восхвалим мученики.

Богородичен: Изблева Евы во уши яд душетленный льстец и враждебник, Христа же рождши, Богомати, сего вред исцелила еси.

Песнь 3

Ирмос: Небеснаго круга Верхотворче, Господи, * и Церкви Зиждителю, * Ты мене утверди в любви Твоей, * желаний краю, верных утверждение, * Едине Человеколюбче.

Просвещаемъ зарею яко воистинну, славне, Богочестия и добротою украшаем Божественных деяний, варварскаго безбожия мрачное разрушил еси, блаженне, злочестие.

Кровей токи, реками текшии из пречистых телес страсотерпец Твоих, Царствие Твое и сладости поток сим исходатаи, Благоутробне Господи.

Яко звезды, нелестныя страдальцы просиявше Церкви святых ныне тверди, всю озариша вселенную лучами своих страданий, доблественнейшии.

Богородичен: Воплощся во чреве Твоем и быв Человек лучшаго ради, Сый един Человеколюбец спасает человека от врат смертных, Богомати Пречистая, едина Всепетая.

Кондак, глас 4.

Подобен: Вознесыйся:

На земли Христа ради страдальчествовавшие, * явльшися, благочестивии венечницы, * Небеса прияте жити в радости: * всякую бо кознь вражю низложивше болезнями и кровьюми ваших язв, * хвалящим свыше присно грехов разрешение подаваете.

Седален, глас 8.

Подобен: Премудрости:

Ведоми бысте связаны от врагов * и в темнице заключени на времена многа, * верою соблюдаеми, невредни пребыте * и, отрешшися мечи телес, * святии, Божественным желанием яве связастеся. * Темже, яко светила, просияете в мире, * вся просвещающе Духа благодатию, страсотерпцы блаженнии, * молитв Христа Бога грехов оставление даровати * празднующим любовию святую память вашу.

Слава, и ныне, Богородичен:

Яко Деву и едину в женах, * Тя, без семене рождшую Бога плотию, * вси ублажаем, роди человечести, * Огнь бо вселися в Тя Божества, * и яко Младенца доиши Зиждителя и Господа. * Тем, Ангельский и человеческий род, достойно славим Пресвятое Рождество Твое * и согласно вопием Ти: * моли Христа Бога согрешений оставление даровати * поклоняющимся верою Пресвятому Рождеству Твоему.

Крестобогородичен:

Агнца, и Пастыря, и Избавителя Агнца зрящи на Кресте, * восклицаше, плачущи, и, горько рыдаючи, вопияше: * мир убо радуется, приемля Тобою избавление, * утроба же Моя горит, зрящи Твое распятие, * еже терпиши за милосердие милости. * Долготерпеливе Господи, милости бездно и источниче неисчерпаемый, * умилосердися и даруй согрешений оставление * верою поющим Божественныя страсти Твоя.

Песнь 4

Ирмос: Ты моя крепость, Господи, * Ты моя и сила, * Ты мой Бог, Ты мое радование, * не оставь недра отча * и нашу нищету посетив. * Тем с пророком Аввакумом зову Ти: * силе Твоей слава, Человеколюбче.

Украшья добротами подвигов твоих, одаяся еси во хламиду, от кровей твоих очервленную мученических, и украсился еси диадимом победы. Темже с мученики пред лицом Господним сликуеши, всеблаженне Феодоре.

В темнице окованы ноги твоя железом, Каллисте непобедиме, мучения нелестную стезю шествовати невозбранно молился еси, разрешився же мечем от тела, абие любовию связался еси Зиждителя.

Божественное воинство, богособорный полк, от многих мест же и градов двоица проста страдалец с четверочисленною десятицею ныне возсия, законно пострадавшие и усекаемы в главы за главу всех – Христа.

Богородичен: Ты верных похвала еси, Безвестная, Ты Предстательница, Ты и прибежище христиан, стена и пристанище, к Сыну бо Твоему мольбы носиши, Всенепорочная, и спасаеши от бед верою и любовию Богородицу Чистую Тя славящия.

Песнь 5

Ирмос: Вскую мя отринул еси * от лица Твоего, Свете незаходимый, * и покрыла мя есть чуждая тьма, окаяннаго? * Но обрати мя и к свету заповедей Твоих * пути моя направи, молюся.

Предзря венцы и пребывающую славу, Феодоре, дерзновенным нравом страждущим с тобою вопиял еси: смерти никакоже ужасайтесь, еюже по мале веселие и живот примете несказанный.

Уязвляемь любовию, блаженне, Владыки твоего и огнем опаляемь Того желанием, мучения чашу испил еси, яже сквернами вторыми никакоже оскверняется, страдальче всеприснопамятне Каллисте.

Терпеливомудым нравом первый к страданию самоотшел еси, поучение мужества состраждущим был еси, Феодоре, с нимиже наследствовал еси вечная покоища и сладость, присно пребывающую.

Богородичен: Разрешение согрешений Твоими молитвами подаждь рабом Твоим, избавляющи сия напастей, и бед, и скорбей, и хульных еретиков одержания, Богородице Дево Всенепорочная.

Песнь 6

Ирмос: Очисти мя, Спасе, * многа бо беззакония моя, * и из глубины зол возведи, молюся, * к Тебе бо возопих, и услыши мя, * Боже спасения моего.

Кровей твоих течения, речно изливаемая, прелести мутныя потоки изсушиша, верных же напоиша всех сердца, досточудне Феодоре.

От страсти глубинныя возводя твоя мученики, на камени терпения тех утвердил еси, врагов стопы и строптивых путей уклонившиися, Человеколюбче.

Красно, яко река, из Едема устремившаяся, град Божий вашими кровьми веселите, мученицы, нечестия скверну благочестно очистивше.

Богородичен: Яко одушевленный кивот, Законоположителя вместила еси, и, яко свят же храм, прияла еси Святаго, бывша Человека на благодеяние человеков, Богородице Чистая.

Кондак, глас 2.

Подобен: Вышних ища:

Новоявленные звезды веры, * за Христа усердно пострадавшия, * похвальными венцы достойне вси венчаем, * о нас молящихся Христу, * яко суще столпы и забрала христианскаго начальства.

Икос: Агарянскую безбожную веру и лютаго беса прелесть, * от души, страдальцы, ненавидяще и гнушающесея * и печать Христову Божественную обносяще целу в сердцах, * плещи врагом, ненавидящим Того, не дасте, * паче же усердно вси за Него якоже агнцы, закалаеми, * просияете по кончине, яко солнце, * бессмертную славу обретше, * яко столпы и забрала христианскаго начальства.

Песнь 7

Ирмос: От Иудей дошедше, отроцы * в Вавилоне иногда, * верую Тройческою пламень пещный попраша, поюще: * отцев Боже, благословен еси.

Яко законно пострадав, правды венцы приял еси от Единого Владыки и ныне Божественною добротою наслаждаешися, о Феодоре, вопия: отец наших Боже, благословен еси.

К заколению вольне, яко агнец на жертву, мучениче ведом, на Вышней положился еси трапезе жертва, песнопоя, внегда закалатися: отец наших Боже, благословен еси.

Любве Твоя, Слове, огнем в сердца опаляемь, терние злославия попалил еси мученик, воспевая Тебе, Каллист: отец наших Боже, благословен еси.

Исмаил пребезумный, Богомудрыя увещати Христа отрещися мнев, посрамлен бысть, тии бо внегда умирати, благочестно взываху: отец наших Боже, благословен еси.

Богородичен: Из девственнаго чрева воплощся, явился еси на спасение наше. Темже, Твою Матерь ведуще, Богородицу, благодарно взываем: отец наших Боже, благословен еси.

Песнь 8

Ирмос: Седмерицею пещь * халдейский мучитель * Богочестивым неистовно разжже, * силою же лучшею спасены, сия видево, * Творцу и Избавителю вопияше: * отроцы, благословите, * священницы, воспойте, * людие, превозносите во вся веки.

Страдальцев лик прилог тя прият, мучения добротами сияюща, воздух освятися в возвращении твоём, мучениче, и Ангельская собрашася множества, земля освятися, идеже лежит тело твоё, о терпеливомудренне Феодоре треблаженне.

Наследия уже Господне быв и к заколению самоволею влеком, ужем связатися тебе не приял еси, Каллисте, отсекаемой главе святей. Темже венценосец возпед, ликуеша с вышними воинствы во веки вся.

Да ублажится Каллист и похвален буди Феодор, вкупе с Константином чудный Феофил, Васой крепчайший и прочий мучеников лик, со Ангельскими ликовствуя лики и поя немолчно: отроцы, благословите, священницы, воспойте, людие, превозносите во вся веки.

В реку ввержени мученицы бывше славнии, по мечнем томлении ведяхуся ко пристанищу благодетельному, еже о Христе ослабы, воды прелестныя, токами кровей иссушивше, еже пети научиша: отроцы, благословите, священницы, воспойте, людие, превозносите во вся веки.

Богородичен: Богородительнице Всечистая, души моя язвы и греховныя струпы очисти, источниками омывающи, сущими из ребр Рождества Твоего и сущими от них очищающи струями, к Тебе бо взываю, и к Тебе прибегаю, и Тя призываю, Богоблагодатную.

Песнь 9

Ирмос: Ужасеся о сем Небо * и земли удивишася концы, * яко Бог явися человеком плотски * и чрево Твое бысть пространнейшее Небес. * Тем Тя, Богородицу, * Ангелов и человек чиновачалия величают.

Древних мужеству поревновав страстотерпцев, тех и звания и радости получил еси, Феодоре, воистинну. Но нас поминай, совершающих твою благочестно память святую, яко имея дерзновение ко Владыце, еже спастися нам.

В струях Иорданских крестивыйся, крестившиися своими кровьюми и Того смерти поревновавшия благочестно, в реце мученики соедини, вверженныя главы к телесем совокупив и тыя в пристанище наставив невлаемое.

Четверочисленная мучеников Божественная десятице с двоицею честною, молитесь, на Небесех ныне живуще в радости, о нас, молимся, совершающих на земли вашу всевятую и светоносную память, всякаго избавитися обстояния.

Богородичен: Зачала еси, Дево, без семени всяческая создавшего Слова Божия, кроме хотений плоти; без исления же родила еси, без болезней матерних. Тем Тя, Богородицу, и языком и сердцем исповедающе, величаем.

Светилен.

Подобен: Жены, услышите:

Мучеников кая убо будет сытость мучениколюбцу * памяти Божественныя, яко рече Василий прежде Великий? * Нам же ныне предстоит пети Божественныя мученики, * два и четыредесять, * терпеливно пострадавшия за Христа Спаса.

Богородичен: Премудрость Ипостасную, и Слово Пресущественное, * и Врача телес и душ рождающая, * струпы и язвы души моя исцели лютыя и временныя * и сердца моего утиши болезни, Дево.

СВЯТЫЕ 42 МУЧЕНИКА В АММОРЕЕ: КОНСТАНТИН, АЕТИЙ, ФЕОФИЛ, ФЕОДОР, МЕЛИССЕН, КАЛЛИСТ, ВАССОЙ И ПРОЧИЕ

Святые 42 мученика в Амморее: Константин, Аетий, Феофил, Феодор, Мелиссен, Каллист, Вассой и прочие пострадали во время войны между греческим императором Феофилом (829–842) и сарацинами. Во время осады сарацинами города Аммореи (Фригия, Малая Азия) они были взяты в плен из-за измены военачальника Вадитзиса. Амморей пала, а пленников отправили в Ассирию, Здесь, в течение 7 лет, они находились в заключении, подвергаясь угрозам и пыткам.

Несмотря на жестокие мучения, пленники отказались принять [ислам](#). Они сохранили непоколебимую верность Христу, Которого продолжали исповедовать перед самой казнью.

Особое мужество проявил воин Феодор, ранее бывший священнослужителем. Его пытались склонить к вероотступничеству, говоря: «Нам известно, что ты, оставив священный сан, стал воином и проливал кровь. Ты не можешь надеяться на Христа,— признай Магомета». На это мученик с глубоким смирением отвечал: «Я не отрекся от Христа, а за то, что оставил священный сан, должен пролить свою кровь».

Все сорок два мученика были обезглавлены, тела их вместе с честными главами брошены в реку. Через некоторое время река вынесла тела святых, чудесным образом соединенные с их главами. Окрестные христиане взяли их и с честью предали погребению.

Предатель Вадитзис не избежал позорной участи: сарацины убили его, убежденные в том, что нельзя доверять изменнику.

Мученическая кончина святых сорока двух мучеников Амморейских совершилась на реке Тигре в г. Самарре (ныне на территории Ирака).